



Udruženje/udruga "BH novinari"
Kralja Tvrtka 5/5, 71000 Sarajevo
Telefoni: 033 223 818, 033 217 302
E-mail: bhnovinari@bhnovinari.ba,
WEB: www.bhnovinari.ba

Broj:01-102/2012. godine
Sarajevo,12.09.2012. godine

Helsinški komitet za ljudska prava u
Bosni i Hercegovini
Helsinki Committee for Human Rights
in Bosnia and Herzegovina



Dolina 1, Sarajevo, Bosna i Hercegovina
tel: (+387 33) 200051; fax: (+387 33) 200096
Internet: <http://www.bh-hchr.org/>; E-mail: office@bh-hchr.org

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE BiH
Predstavnički dom

Poštovani,

Helsinški komitet za ljudska prava u Bosni i Hercegovini i Udruženje/Udruga BH novinari obavezni su upozoriti da je Predstavnički dom Parlamenta Federacije BiH jučerašnjom odlukom o raspisivanju Javnog konkursa za imenovanje tri člana Upravnog odbora R TV FBiH („Službene novine FBiH“ broj 65/ od 01.08.2012.) i to iz reda bošnjačkog, srpskog i hrvatskog naroda, postupio suprotno članovima 25. i 65. Zakona o Javnom servisu RTVFBiH. Na taj način su onemogućili pravičan postupak i postupak u razumnom roku u smislu člana 6. stav 1. Evropske konvencije o zaštiti temeljnih ljudskih prava i sloboda.

Zakon o Javnom servisu RTV BiH, kada je riječ o izboru članova Upravnog odbora, jasno precizira način izbora i imenovanja članova UO, a slijedom člana 65. i njegovim dosljednim poštivanjem onemogućena je politička ovisnost Javnog servisa.

Helsinški komitet i BH Novinari cijene da su zastupnici Zastupničkog doma Parlamenta Federacije, donoseći po drugi put protivzakonitu odluku o raspisivanju konkursa za izbor tri člana Upravnog odbora, postupili pogrešno jer su odluku o raspisivanju donijeli kao da je u pitanju konstituirajuća sjednica Upravnog odbora Javnog servisa RTVFBiH. Podsjećamo, konstituirajuća sjednica UO je održana ubrzo nakon usvajanja Zakona 2008 god. Dakle, povrijeđene su odredbe člana 65., a u svezi sa članom 25.(1) Zakona o RTVFBiH, što je dovelo i do povrede pravičnog postupka u smislu člana 6. stav 1 Evropske konvencije.

Mišljenje Helsinškog komiteta i Udruženja/Udruge BH Novinari je da opisani postupak Zastupničkog doma Parlamenta Federacije BiH, kao zakonodavnog tijela, predstavlja opasan presedan u kršenju relevantnog zakonodavstva, te negativno utiče na vladavinu prava i stabilnu autonomiju zakona, pri čemu krši njihove principe i načela. Istovremeno, kompletan postupak predstavlja ozbiljan atak na slobodu govora i nezavisnost medija. Zbog toga pozivamo zastupnike Zastupničkog doma da ponište jučerašnju odluku i postupe u skladu sa Zakonom o RTV Federacije BiH prilikom donošenja odluke o raspisivanju konkursa za izbor članova UO ovog javnog medija.

S poštovanjem,

Vera Jovanović, HKBiH



Borka Rudić, BHN



supporting Legal Aid Department
podržava Pravnu službu